

ITERANIBA N AONON TE BETEBEKE

TE RONGORONGO MAIROUIA TAAN KAIRIIRI N TE AONO

Aekakira aron kakawakin Ana Boki Moomon nakoim?

Iroun Unimwaane Mark Peteru

N Okitobwa 2017 n te Maungatabu ni Kabuta, Beretitenti Russell M Nelson man te Kooram n te Tengaun ma Uoman e titiraki uoua titiraki ibukiia Aika itiaki ni Boong Aika Kaitira bwa a na iangoia raoi.

Aekakira aron kakawakin Ana Boki Moomon nakoim?

Ngkana ko anganaki taian taiman ke rubii, ke Ana Boki Moomon, tera ae ko na rineia?

Ni kaineti ma te marooro nakon te Uea ao Ana Ekaretia rinanon Ana Boki Moomon, e kamatoa Beretitenti Nelson ae a riai aomata n tatabemaniia nako ni karekea oin aia kakoaua n ana euangkerio Iesu Kristo ni kona ni buokia n tokanikai iaon kakaewako aika mwaiti ni boong aikai.

**Kawain Middleton
ao Stewart Drive**

Ngke te 19 au ririki, I reireinaki te euangkerio ni mweengan te membwa n te Middleton Road; ai tamau e aki kariaia reirei ni mweengana n te Stewart Drive. Aia rongorongo mitinare, a kaekai, kaotai ao a kamatoai tuua ao reirei ni Kiritian aika mwaiti aika I iai iroa ke n iai titiraki iaoia. A reirei ma te mwaaka ao te kariaiakai ae I tuai man namakin n taai aika nako; a kabwarabwara nakoii Mitinare namakin aikai bwa bon ana kairoro te Tamnei ae Raoiroi. E ingainga nanou nakon taian reirei n te Middleton Road ibukina I tangiria n namakina te Tamnei ae kuneaki ikekei.

Imwiin tabeua te namwakaina, e mataata raoi bwa a ruo aia rongorongo mitinare ni kaotia bwa Ana Boki Moomon bon booki aika mai ieta ke tiaki. I kamatebwaia Ana Boki Moomon ao n anaaki nanou man reirei ni Kiritian inanova aika mwaiti ao ni mataata. A kaoai Mitinare bwa N na tataro bwa I aonga n ata koauan Ana Boki Moomon; ti bootaki ni wareka Moronaai mwakoro 10:4-5, “Ao ngkana a reke bwaai aikai iroumi, kaungai nanomi bwa kam na butia te Atua, te Tama ae Akea Tokina, n aran Kristo, ngkana arona bwa a koaua bwaai aikai, ao ngkana arona bwa kam bubuti ma te nano ae koaua ma nanomi raoi, ao te onimaki iroun Kristo, e na bon kaota te koaua nakoimi, ni mwaakan te Tamnei ae Raoiroi. Ao ma

Elder Mark Peteru



ni mwaakan te Tamnei are e Raoiroi ao kam na kona n atai koauan bwai ni kabane”. A tibwauai aia koaua ni koauan aia rongorongo. Riki, I namakina mwaakan aia onimaki ao te rau n te Tamnei ae Raoiroi ni kamatoai aia koaua nakoii.

N te tairiki anne n te Stewart Drive, I katorobubua inanon au ruu ni matu ao n anga te tataro n te bwana ma te nano ae itiaki nakon te Atua ni kan ataia ngkana e koaua Ana Boki Moomon. N tain te tataro anne, I karekea te namakin ae korakora ao te kamatoa ae aki kona ni kakeweaki inanou ao n au iango ae Ana Boki Moomon bon ana taeka te Atua. Bon te namakin ae kakukurei ao n aki kona ni kairua ae I a tia n namakinna n te Middleton Road ngke I reireiaki irouia Mitinare, ti n te tai aei ike akea mitinare aika kaan.

Te Berita Ibukiia Ni Kabane

I a tia ni karekea koauan Ana Boki Moomon man mwaakan te Tamnei ae Raoiroi, n aron are e beritanna Moronaai. E karababaaki te berita aei nakoia ni kabane ake a ukoukoria ni kan ataia bwa e maiu te Uea Iesu Kristo n te bong aei ao ngkana E tae-tae teuana riki te tai nakon te aonaa-ba rinanoia “ana toro aika burabeti.” (Amota 3:7).

N Eberi 2017, Beretitenti Monson e reirei mwaakan Ana Boki Moomon ao ane e karekea ana kakoaua mai iai “e na aki kona ni mwamwanaaki.” E kaumaki nakon te Ekaretia Beretitenti



Monson bwa a na “tataroa ao n iangoa Ana Boki Moomon ni katoa bong.”

Waaki Nako ao n Teimatoa

I a tia ni kunea bwa iai aika a kakoa ua ae n te tai are e reke iai te kakoa ua n te tamnei n Ana Boki Moomon, ngkanne e na toki ara ukeuke—bon te waaki ni koaua ae boou.

Manga taekinan ana kakao Nibwaai “imwiin are ko a tia *ni kareke a te koaua ni koauan Ana Boki Moomon*, I kan titirakini ngkami bwa akea riki te bwai ae kam riai

ni karaoia? Taraia, I taekina aio nakomi, a mwaiti riki . . . kam waaki nako man teimatoa inanon Kristo, ma te kantaninga ae tamaraoa ma ni kororaoi, ma tangiran te Atua ma aomata ni kabane . . . ni kaawakin ana taeka Kristo, ao n teimatoa ni karokoa te toki (2 Nibwaai 31:19–20)

I rangin ni kakaitau ibukin au kakoa ua ae moan te kakawaki. I berita ao ni kakoaua nakoimi te Tamnei ae Raoiroi e na kaota koauan Ana Boki Moomon nakoim ngkana ko tataro ao n titiraki ma te onimaki. ■

N te tai ae aki maan n nako ao akea te aro n reitaki imarenan te onaoraki ao taian amburanti. A tabeakin ni kabutaa aanon Tarawa Teinainano amburanti ao a kona ni buti nakon abwi te miniti n te wewete ae katawe n te kawai ae ti teuana.

N atakina ae a kona ni kamaiuaki aomata ma bwain rabakau aika a manga kanakoraoaki riki, ana tabo n Ibuobuoki te LDS e anganano n te VHF Radio Base Station n ana tienta n reitaki te onaoraki ao rerio aika VHF n ana ruu te onaoraki ibukin aoraki aika karina ao amburanti ni kabane.

Te reitaki imarenan te onaoraki ao taian amburanti ma te bwai n taetae ae boou e na kanakoraoa aron tararuaikiia aoraki ao rikiraken te konabwai ni kamaiuia aoraki.

Taan tararua te aoraki iaon te amburanti a kona n anga rongorongon te aoraki nakon te onaoraki are tabe ma aoraki aika karina man te tabo are e reke iai te kabuanibwai ao ni kareke a tekaetieti ao n anga te bwainaoraki n te tabo anne ke iaon kawaina.

Bukina bwa e kona te aoraki n ataaki ao ni bwainaorakiaki ma te kaetieti man te ruu ibukin aoraki aika kakaiaki, te tai ae kabaneaki ni kakaeakin aorakin te aoraki n rokona n te onaoraki e a uarereke. Tani mwakuri n te ruu ibukiia aoraki aika kakaiaki a kona ni katauraoi ibukin rokon te aoraki, a kona ni kaman ataaki bwain aoraki ao te maiu are tao e na tia ni bua e a kona ni kamaiuaki.

Ana tienta n reitaki te onaoraki e na kona n ataa ana tabo raoi te amburanti are e mena iai are a na kona iai amburanti ni biti aia babaire ngkana a mena itinaniku ngkana e kainnanoaki man te ruu ibukin aoraki aika karina ke te tienta n reitaki. ■

ITERANIBA N TE TABO

Kamaiuakin Maiu i Kiribati

Man Te Moomon Niutiruum

Te VHF rerio ae mwanenaki man te LDS Charities e kamaiui maiu iaon Kiribati.

Te bwai n itoman aei e na buoka te onaoraki ao taan mwakuri n te

amburanti ni kanakoraoi riki aron aia reitaki.

Tarawa Teinainano, Kiribati, iai ana onaoraki ae tei i Nawerewere ao onowaa ana amburanti.



Reerio aika VHF aika bwaintangiraaki man te LDS Charities e kamaiui maiuia aomata.

BWABRIKI ABEEATI



*Te LDS Charities e na katauraoa
10 te miita uean te moa, kanaia
ae teuana te namwakaina
manna, 14 te moa aine ao 1 te
moa mwaane ibukiia kurubu n
aomata i Kiribati*



Kaikawakin Mooa i Kiribati

Man te Moomon Niutiruum

Ni kanakoraoa aron te amwarake n te atimwakoro ae Tarawa Teinaieta, mitinare ibukin buokaia aomata Unimwaane ao Titita David ao Jody Reese a anga te iango nakon te tia kairiiri n te komiunite are e kona ni kanakoraoa te amwarake nakoia kaain te tabo anne, irouia riki ataei.

E mwanenaki man te LDS Charities, e raonaki te babaire ma karekean 10 te miita te uea ibukin te moa, kanaia ibukin teuana te namwakaina, 14 te moa aine ao 1 te moa mwaane ibukiia aomata n te komiunite aika a na uaia ni mwakuri ni katea ao ni kateimatoa te onimoa.

A kabaeaki naba naake a karekea bwa a na anga moa te 15 te moa ake a raure aika uarereke nakon te kurubu n te kaawa bwa ana wakina oin aia karikirake n te moa, ngaia are ana kateimatoa te mwakuri.

Te itoman ma te Tabo ni Mwakuri n te Ununiki n te tabo anne, a katauraoi rongorongo nakoia kurubu n aron karikirakeaia mooa bwa ko na kanga ni karaoi kanaia man bwaai ake a reke n te tabo.

Ngkai aki taneiai ni kuuka kaain te tabo ma bunnimoa, Unimwaane ao Titita Reese (n aron ae a atongaki bwa mitinare) a katauraoa aron te kuuka ao n tibwaua rongorongan te amwarake.

A tia naake a ira te karikirake n reirei rabakau aika kakawaki n te reitaki ao ni karaon te babaire. A tia n reirei naba aron karaon kanan aia moa ao ana kanga ni ikota te bunnimoa nakon karaon kanaia ni katoabong.

Nakoraoi te moan ni karikirake e a tia n riki bwa te katooto nakoia kaain te aba ake tabeman ake a tia ni karekea te taratara ao ni karaoi oin kanaia ao ni katokai moan te tabo inanoia.

E taku Unimwaane Reese, "Bon te boneti ae korakora ngkana a tangiria tabeman ni kan ataia bwa a na kanga n irekereke iai." ■

Abotoro Unimwaane Gary E. Stevenson e kawara te Betebeke Maiaki

Iroun Marianne Holman Prescott



Vanuatu

Rokon te Ekaretia iaon te aba ae Vanuatu e moanaki tao 40 te ririki n nako. Te kabanea n tai ae a nako ikekei kaain te Moan Beretitentii ke te Kooram n Abotoro n te Tengaun ma Uoman inanon 2003, ngke e karoa te bootaki Beretitenti Gordon B. Hinckley ma kaain te Ekaretia. N te bong aei, e a reke ngkai teuana te titeiki ao teniua te mwakoro n te aba aei ma kaaina ae raka iaon 8,000 kaain te Ekaretia.

“N rokora, ao ti butimwaeak n te katei ni butimwaii ae akea aron kabotauana, are e irianaki ma te baen ma bwaai ni katangitang ao te mwaie n te tabo. . . e bon rangin ni kakamataku ao ni kamimi norakiia mwaane aikai

. . . a mwaiti aika bon taan kairiiri n te tabo, ni karaoi mwaie n rimoa ao ‘aia mwaie taan buaka aika kakamaaku.”

Irarikin are te bootaki ma kaain te Ekaretia, mitinare ao kairake n Vanuatu, Unimwaane Stevenson e kaitibo ma taan kairiiri n te tautaeka aika rangin ni kakannato—Tallis Obed Moses ae Moan te Karineaki, te Beretitenti n ana Ribwabiriki Vanuatu, ao Hon. Charlot Salwai Tabimasmas, te buraiminitita ni Vanuatu. Unimwaane Stevenson e kaitauia taan kairiiri aikai ibukin kariaiakaia kaain te Ekaretia bwa a na kamwakura aia koaua.

“Bon te tai ae moan te onoti ni kaitibo ma taan kairiiri n te tautaeka,” e taku. “A uaia n riki bwa bwaai ni karekemwane nakoia ara

membwa i Vanuatu ao ara anganano nakon abaia.”

Ngke ti bootaki ma Beretitenti Obed, a maroroakina kakawakin tabeia kaaro ni karikirakeia ao ni kai-kawaia natiaa bwa a na riki bwa kaain te aba aika tamaraoa ao taani kairiiri nakon taai aika a na roko.

“E kona te tautaeka n rinerine iaan te tua ni kataia n tararua ao ni kauare-rekea te bure ma aki kona tuua aikanne ni katoka rikiraken te bure n te aba,” e taku Beretitenti Obed. “Iai mwiokoan te Ekaretia ni karoia n te aro ae e na kona ni buokiia kaain abara n riki bwa aomata aika mamaka te Atua.”

Buraiminitita Salwai e kaota kakawakin uoua reirei ni Kiritian are e karekeaki bwa aan tuan te aba ae Vanuatu: katei aika tamaraoa ao onimakinan te Atua.

Aotiteria

Unimwaane ao Titita Stevenson a kabanea aia moan ni bong ake teniua i Adelaide, Aotiteria. Te kamataata ae onoti n te mwananga aei bon te kaitibo ma kairake aika teimatoa n tain te bootaki n taromauri irouwia titeiki aika kakaokoro. E reirei ao e kaungaia ni kakukureia n ana kakabwaia te bitiobi, ni kateimatoa aia taratara n te euangkerio ao ni kabaeranta maiun tamneia inanon maiuia, ao n uringnga bwa e na buokiia te Uea ma ‘bwaai ni mwakuri’ ni buakan ana bwai ni kamwane Tatan aika mwaiti.

“Bwaai ni mwakuri n aron warekan Ana Boki Moomon, kaaro, burabeti, tataro, irakin te tieminari, *Ibukin*



Kakorakorakiia Kairake booki aika uarereke, ao n tau ni karekea te rekomente nakon te tembora ae tuai bane taina,” e taku.

N rokona ikekei, e tararua naba ao n taetae n aia tai n taromauri

kairake, aia bootaki kaain te mition, te maungatabu n aia maungatabu taan kairiiri n te nakoanibonga ao te maungatabu n te titeiki ae onoti. Ni kaineti ma te raroa ae korakora ibukiia tabeman mitinare ao taan kairiiri bwa a na

kaea, a ikotaki rinanon te kanakobwana n te tiataraito.

Nutiran

Inanon rokona ae kimototo i Auckland, Unimwaane Stevenson e neweabaa rarikin te Tembora ae e a tibwa katabuaki, n raonaki ma aia Tienta ni Kataneiai mitinare i Nutiran.

“Bon teuana te kabanea ni bubura ni kurubu ae a tibwa nako n te Nutiran MTC ma ae kaniia 80 mitinare,” e taku Unimwaane Stevenson. “Bon te bwai ae kamimi ni kawara te Temple View ao n noori kateitei aika tibwa katabuaki iroun Beretitenti Eyring. Ngke I beku bwa te bitiobi n tararua, iai tabeia bitiobiriki ibukin korotamneian ao katean taabo aikai, ngaia ae rangin ni kamimi noorakia bwa a kanga kateitei aika bon Ana Kaoretia te Ekaretia i Nutiran ni kabonganaaki n iai bukina ae boou. Teuana mai ibuakon kateitei aikai bon ti Rongorongan ana Miutiam te Ekaretia itinanikun Kaawan Salt Lake.”

Tahiti

“Te Ekaretia i Tahiti e rangin ni korakora,” e taku. Iai kaain te Ekaretia ae raka iaon 25,000 inanon titeiki aika ruaiwa ao teniua mwakoro n te French Polynesia.

“Moan mitinare n nakon te French Polynesia a roko n te 1843,” e taku Unimwaane Stevenson. “Aomata ikekei a ataa te Ekaretia, ao bon te kauoua ni bubura n Ekaretia iaon te aba. Ngkana ko mwananga ni katobibia te aba ao ko kona n noori ara autinibootaki n taabo ni kabane.”

Te kabanea n tamara ni mwanganaga nako Tahiti bon te bukamaru ae onoti n te katei ni butimwaa ike aomata aika 2,000 mwaitia a kukurei n te katokabau n te mwaie ae moan te kamataku ao te amwarake.





Unimwaane Stevenson e kawara naba Tahiti ngke e kaitibo ma mitinare, taan kairiiri ao kaain te ekaretia.



Unimwaane Stevenson e kaitibo naba ma Archbishop Jean-Pierre Edmond Cottanceau, aia archbishop kaain Papeete, French Polynesia. Te

kaitibo e kaota te “reitaki ni kakaitau” ibukin te mwakuri are e a tia ni karaoaki n te aono mai irouia ekaretia aika uoua.

“E namakina te kukurei ao ni kakaitau, ao ni kinai taabo ni bootaki aika mwaiti ngkana e roko nakon te tararua ibukiia rarikin ao kainnano ao ni karikirakea Anuan maiun Kristo,” e taku Unimwaane Stevenson ni mwanangana. “Ti boraoi iaon kakawakin reiakinaia kairake n aomata n anua aika raraoi ao ni karikirakea ataakin te eti ao te bure.”

N aroia aba aika kakaokoro n Aonon te Betebike, kaain te beretitentii n te aono: Unimwaane Haleck mai American Samoa, Unimwaane Ardern mai Nutiran, ao Unimwaane Cardon mai Arizona. E taekinna Unimwaane Stevenson, “A uoti anua ni maiu ao katei aika kaunganano ao ni bane ni bootaki ibukin te reitaki ao kateia aomata ni kabane aika a beku ibukiia. Bon te kakukurei te mena ibuakoia ao nooran te mwakuri ae moan te tamaroa ae a karaoia n aanon te aonaaba ae tikiraoi aei.” ■

Te Tia Kairiiri n te Betebike e a okira mweengana

Man te Moomon Niutiruum



Imwiin ririki aika mwaiti ni buokiia aomata itinaniku, ana utu Ardern a okira mweengaiia i Nutiran ike e na beku iai Unimwaane Ardern bwa te kauoman ni kauntira n te Beretitentii n Aonon te Betebike.

Ngke te Angibuaka ae Haiyan e Nurubwai rinanon kaawan Biribin ae Tacloban n 2013, Unimwaane Ian S. Ardern—te Mataniwi ni Kabuta n te Itingaun ae bungiaki i Nutiran—e mwananga mai Manila nakon te aono are e urubekebeke ni karekea, te mweengaraoi ao ni kamaiuia mitinare ake a beku ikekei.

Unimwaane Ardern ao kainabana ae Titita Paula a tia ni kabanea onoua te ririki n nako I Biribin ao te United States, ni beku n nakoa ni kairiiri tabeua.

A kabanea naba teniua te ririki ni kai-ra ana mition te Ekaretia i Biti, Vanuatu,

New Caledonia, Tuvalu ao Kiribati.

A oki ana utu Ardern nakon mweengaia i Nutiran ike e na beku Unimwaane Ardern bwa te kauoman ni kauntira n te Beretitentii n Aanon te Betebike.

N raonaki ma Unimwaane O. Vincent Haleck ao Unimwaane Craig A. Cardon, Unimwaane Ardern ana buokia taan kaiiri, membwa ao mitinare n te Ekaretia n aono ni kabuta te Betebike.

"Ti a tia ni kukurei n ara taneiae aika kakaokoro inanon onoua te ririki n nako," e taku Unimwaane Ardern.

"Ti a tia n reiakina ae batia n ingainga n reiakina ae batia riki ao n anganano nakon katean te Ekaretia n te Betebike. Ti roko bwa toro aika nanorinano ma te nano ae korakora n tibwua ao n reirei bwa aonga ni kakorakoraaki bwaai ni kabane."

Unimwaane Ardern e bungaki n te Aroha, New Zealand ni Beberuare 28, 1954.

E bwabetitoaki n te umwantabu i O'Neil Street i Hamilton.

"N au bwabetito I riki bwa te moan n roro ni kaina te Ekaretia ao n rangin ni kukurei bwa ai teniua ngkai te roro ae matoatoa n te tiein ni kainakin te ekaretia," e taku Ardern.

Natin Unimwaane Ardern te aine, Lian Warwick, e kabongana teuana te taeka ni kakimototoa n taekina katein ao ana kawai tamana nakon te maiu: "Te Ibuobuoki."

"E tangiria n tainako ni katoka te bwai ae karaoia ao n ibuobuoki, e ngae ngke [n ibuobuoki ni kakaea] ana kau kaain te utu ae bua ke ni [buoka] kain rarikina ae kainnanao buokana."

E reitinako ni kabwarabwara tamana bwa te tia karaoa te raoi ao temana ae nako n te kawai ae raroa riki ni karekea te rau ni mweengaia. ■

*E na kateaki te aekaki ni
maneaba i Nanikaai n te
Ribwaburiki Kiribati.*



Kakorakorakiia Komiunite

Man te Moomon Niutiruum

Abootaki ni maeka mwauku aika kakaokoro aika araniia bwa te Toa Matoa, a tia n rinea bwa a na maeka n te kaawa i Nanikaai n te Ribwaburiki Kiribati.

Te Toa Matoa nanona korakora ao matoatoa.

Te Aikamitina n Aotiteria e motin-nanoia bwa e na katea te maneaba (te komiunite tienta ni kaukiang) i Nanikaai, ma ti ngkana e kona ni kateaki te bono i taari ni kawakina tanon te bike are e na tia ni uotaki nako man te aira.

Rinanon aia mwakuri korakora kaain te kurubu, te komiunite e a tia ni karikirake ao ni karekea angin te mwane ae kainnanao ibukin te bono n tauan te bike. Te LDS Charities e karekei bwaai ibukin katiaan te karikirake n raonaki

ma kaintekateka wiira ibukiia tabeman taan maeka.

Kakaean te timanti ibukin te karikirake e kakoauaki bwa te kaangaanga, ma nanomatoaia taan maeka a kunea te bwai ni kateitei ae kainnanao akia o a karekea n te boo ae tau.

Unimwaane David Reese ao Titita Jody Reese (mitinare aika bwanin aia tai man Ana Ekaretia lesu Kristo ibukiia Aika Itiaki ni Boong Aika Kaitira) a karekea taraakiia taan maeka n te tabo ao a tuku, "A rangi n anaaki nanora ma aia waaki ni katoka te kaangaanga ao ni kakorakorakiia nanon aia kouru."

E waaki raoi te mwakuri iaon te bono ao ngkana e tia, ao e na reke aia tabo ni bobootaki mwauku ake a maeka i Nanikaai. ■

Taian kakai i Manu'a, Samoa

Iroun Titita Ashley Poche

Bon te kakabwaia teuana te beku i Fitiuta, Manu'a, ae moan te korakora ae I a tia ni karekea ni maiu. I a tia n noora bain te Atua ni maiuia aika mwaiti; riki bon maiu. I aki kona ni kakeaa te Tamnei are e kai namakin-naki iaon te aba, ae rau ao n tikiraoi. Ibuakon karaki aika mwaiti man 10 te namwakaina ni mwakuri i Manu'a, iai te karaki ae I uringnga raoi. Rokou i Manu'a n Nobembwa, 2015, toau, Titita Aspinall, ao Ngai ti reiakinna n te tai ae waekoa aron uarereken Fitiuta. Ti reiakinna bwa iaon kawaina ni bitaki ara mition—ti na riai ni matotoa ao n ninikoria ibukin te bwai ae ti kokoaua. Ma taian namakin aikanne n ara iango ti a moana ara kakawari, ni moanna ni kinaia utu n te kaawa.


Ni moan ara bong ni mwamwanganaga ti roko n te auti. Itinanikuna, a tei ni kukurei n angin Samoa ae mwaitoro, te mwaane ao te aine ae a rangin ni kara. Imwiina tabeua te tai ni marooro ma ngaiia ti reiakinna te bwai ae mwaiti ibukin ana utu Toomea. Bon taanga aika kukurei. A rarikin riki nakoia angia aomata n te kaawa, ma a kaubwai n te kukurei. Iai nanoia ae korakora ibukiia. Iai nanou ni kan tibwaua te euangkerio ma ngaiia- n reita riki te kukurei ao te tamnei nakon mweengaia. E ngae n anne, akeau au raraoma n arou n Samoa, ngkai I a tibwa riki bwa te mitinare ae boou. I tataro inanou bwa N na kairaki iroun te tamnei ao n taetae ma te ninikoria ae te tangira. Ngkanne I taetae.

I titirakiniai tangan Toomea ngkana a na kariaia Titita Aspinall ao Ngai n

oki ao n reireiniia riki taekan te euangkerio. I miimi, ngke, e kaeka Papa Toomea ma te taeka ae bebete "tiaki." E reitia nako Papa n taekinna, "Au ririki ngkai ai 76. Kainabau (Mama (Visola) Toomea) ai 74 ana ririki ni maiu. Ti a tia n riki bwa kaain te aro ae te London Missionary Society (LMS) ni maiura ni kabane. Ti a kara ao ti kukurei. . . . Ao tiaki kan ongo n ami rongorongo. Ara mataroa e na uki nakoimi ni kauoman n te tai ae aki akaka. Kam kona n roko ao n taetae—ma akea nanora ni kan ongora ami rongorongo." Titita Aspinall ao Ngai ti kaota ara koaua, n anene nakoia, ao ni waakina oin kawaira.

Ngke e a waaki nako te namwakaina, ara tangira nakon ana utu Toomea e rikirake. Ti aki toki ni buokiia n tainako-anai banikai man aia tabo, beniia aia auti, waei aia bare n uninga aika boou, itangitangiri ma natia aika tiku n tingaia, anenei anene nakoia, ao n teimatoa ni kakawariia. N te tai ae aki maan ti namakinna ae a moanna ni kariaira bwa ti na tibwauai ara koaua nakoia. Anne e rairaki nakon tibwauakin iango n tamnei man booki aika tabu. Tabeua mwanangara nakoia imwiina ti tibwaua reirein te euangkerio ni kabane ma ngaiia. Ao tabeua te wiiki imwiina, Mama, 74 ana ririki, ao Papa, 76 ana ririki, a rin inanon te ran ni bwabetito. Natia te aine, Sefea, 47 ana ririki, ao Natina te aine, Pagatia, 18 ana ririki, a bwabetitoaki naba. A riki ngkai bwa membwa aika matoatoa n te mwaanga ae uarereke ae Manu'a.

Ngke e roko au tai ni kitana Manu'a, I kawariia ana utu Toomea's teuana riki te tai. N te tai aei, a tia n riki bwa kanga te utu nakoioi. N ara kakawari, I taku "Mama ao Papa, kam uringa moan rokora? Ti kaoi ngkami bwa kam na reiakinna riki taekan te euangkerio! Ko taku tiaki . . . ma ngkai ko a tia ni



*Titita Ashely Poche e
beku n te Samoa Apia
mition man Aokati 2015
nakon Maati 2017.*

bwabetitoaki!" Mama e kaeka ma te ngare. Imwiina e taku, "I uringa te bwai anne. Tiaki kan ongo te bwai ae kam na taekinna ngkami aika uoman! Imwiina, kam kitana ara auti ao ti namakina te bwai teuana. Te bwai ae wirikiriki nako nanora ni kariaia bwa kam na rin . . . riki ami rongorongo. Ao ti rangin ni kakaitau ngkai e a reke te euangkerio."

E kakorakoraaki au koaua n te bong anne. I namakinna bwa namwakaina aika ti a tia ni kabanei ni mwakuri n ibuobuoki aika bebete a tia n aki nako n aki kinaaki. I namakinna bwa kakawari aika bebete, man tangira a aki karoaki n akea bukiia. I reiakinna bwa te Atua e mwakuri ni kawai aika kamiimi . . . ao ti riki bwa bwaai ni mwakuri ni Baino. Ngkana ti a tauraoi, tau, ao n iai nanora E kona ni mwakuri rinanora ibukin kamaiuakia Natina, riki Natina aika aki ataia ae a ukoukora taekan Ana euangkerio. ■

Titita Ashely Poche kaain Arizona, United States ao e beku n te Samoa Apia mition man Aokati 2015 nakon Maati 2017. E reirei ngkai i BYU Provo, Utah.